

3 Yohane

Yohaneje Gaiogât den kulemgoep.

¹ Galane Gaio, nâmâ luâk sâmbâ sop kålep manmâ gan. Nâje kulem esenje ire gângât kulemgoân. Gala gâmâ Yesugât kâmolân gâtje aregât den bunje aregât akmâ gângât okotne dondâ nângân.

² O Gala, nâ gângât akmâ Anutu ulilajdere wan me wan hârok gât gai umburuk akmenâ are hârok âlepje miawak giñbiap aregât ulilajman. Akto Anutu je tân gugumbo biwige âlepje akmâp aregât nângâm âmâ hinje hâkgaet ulilajman.

³ Akto ulikjân Yesugâlân gâtje bikjande gângâlânba nângâlân togoyi akto togom gângât makniñi. Amâ den bunje nângâm watmenâ agak memege âlepjeâk miawakmap. Are amâ bundâk. Gâmâ den bunje watmat. ⁴ Galane, nâje ulikjân luâk me âmbâle makyengire biwiyeje Yesugâlân kali are yeñgâlân gâtjande den bunje lokom manmâ gayi a nângâm heronje humo nângâman. Akto heronje irekjje heronje siâ ewangiâp.

Gaio amâ âi âlepje miep.

⁵ Galane, gâje Yesugâlân gâtje tân yeñguen âi are amâ âlepje. Akto Yesugât kâmolân gâtje tirip bo nângâmat amâ hanâk dâm tânyeñguen are âi âlepje dondâ mien. ⁶ Akto are yeñgâlân gâtje bikjande hepun gekmâ nângâlân togom gângât keige âlepje are Yesugât kâmot hutyeñân kinmâ maknengiyi. Gala, gâje okot âlep akyengim dâpgât siâ siâ tân yeñgumat den are nângâm heronje humo nângân.

Gâ wan akmat amâ Anutugât âi dâm nânğâm âmâ hainâk akmâ âgâwen. ⁷ Akto Yesugâlân gâtnej yu maktân arekjé Yesugât keiñe makyençgiwerâm kepianje kepianje arim Yesugât kâmolân gâtnej bo manmai are yengâlân puli me wan me wan bo ulit yengimai. ⁸ Hain akmâ nengâlân togombiâ âmâ âiyeje amâ nengât âi hainâk dâm dowâk tân yenguenje ârândâj akmap.

Diotrepegât den.

⁹ Nâje âgâlân Yesugât kâmot yengât kulem siâ kulemgom katere ariep. Dâ luâk siâ kotnej Diotrepe yâknej ikiñæt nânğâmbo âgâmap are nânğât den bo nânğâm âmâ kondo gemap. ¹⁰ Akto areâk bo. Yesugât kâmot siânbañe togombiâ bo tân yengumap. Dâ luâk âmbâle biknjande tân yenguwerâm akbiâ Diotrepeñe tân yenguwâigât nengât kâmolân bo togoñet dâm wat yekto yâññângen manmai. Hain gârâmâ nâje hâmbâi yengâlân togowianân âmâ yâkgât den kom âmâ dennenje kom agak meme bâleñe akmap are mem miawaktere ekbai.

Demetriogât den.

¹¹ O Galane, gâ agak meme bâleñe bo watben. Gâ agak meme âlepnej watben. Akto luâk âmbâle agak meme âlepnej akmai amâ Anutuñe memenje akyençimbo hain akmai. Dâ luâk âmbâle biknej agak meme bâleñe akmai amâ Anutugât keiñe bo nânğâmai. ¹² Akto luâk agak memenje âlepnej Demetrio are luâk âmbâle dondâjë yâkgât agak meme nânğâmbiâ ârândâj akmap. Akto bunñande hainâk keiñe miawakto ârândâj akmap. Akto

nenâkai yâkgât nângâenje ârândâŋ akmap. Akto gâ nengât den amâ bundâk dâm nângâmat.

Den bâiŋe.

13 Nâŋe den bikŋe dondâ makgiŋberâm aktân. Aregât gâwuŋe kulem esenŋâŋ kulemgom katere gâŋgâlân togowiap are bo nângâŋ. **14** Gârâmâ nâ dowâk togom gâ gektere egakmâ magaŋgi goaŋgi akbaetgât ukenje nângâŋ.

15 Galane, Anutuŋe damunge akto kambiamge yeukŋe talâkgât ulilaŋdân. Akto Yesugât kâmolâŋ gâtŋe nâ olop tatâi amâ gâŋgât nângâm heronje aktâi. Akto gâŋgâlân Yesugât kâmolâŋ gâtŋe tatâi are konok konok nengât makyenŋimenâ heronje akbei. Areâk.

Yusugât Pat Âlep Den
The New Testament in the Timbe Language of Papua
New Guinea
Nupela Testamen long tokples Timbe long Niugini
copyright © 1987 Wycliffe Bible Translators, Inc.

Language: Timbe

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files
dated 9 Oct 2020

03f82704-6ad1-5094-a78e-e240d9f2d4f8